

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Pontani De Immanitate

Pontano, Giovanni Gioviano

[S.I.], 1519

Vorwort

[urn:nbn:de:bsz:31-270824](#)

IACOBVS SPIEGEL IOANNI LVCAE RE-
gij aeris in Germania, receptori generali No-
bili & spectatae virtutis viro S.D.

Satis iam satis mihi tua spectata est amicitia,
velq; hoc vnicō claret, quod tu (qui iam multos
annos apud diuum Maximilianum Cæsarem
contriuisti) doctos & colis & foues: nihilq; a-
pud te antiquius per hos annos vnq; fuit q; cultæ d' otri
næ omnis fomentum. Hoc ego quum satis perspicio, ani-
mumq; tuum exactius perpendo, non possum non tibi
multum & tribuere & fauere, atq; etiam familiam tuā
suspicere atq; amare plurimum, Cui fratribus tui vterini Io-
annis Siederi probissimi, grauissimi & eruditissimi viri
inchoata opera memoriam extendissent, nisi immatura
morte interceptum lachrymis vna tecum eruditii omnes
sepeliuissent. Lugenda est enim mors eorum, qui poste-
ros cogitant, qui immortale aliquid parant, cum volu-
ptatibus dediti, quasi in diem viuant, viuendi causas quo-
tidie finiunt. Quanquam in libris abunde testimonij est
quam probe frater calluerit latine, quos nostratem in
linguam feliciter vertit. E quibus apud priuatos extant
hodie tres e Plutarchi vitis Maximiliano nuncupati, vt
præteream, quos, e Iosephi hebræi (qui diuo Hierony-
mo Græcus Liuius dictus est) atq; Christiani Cicer-
onis Laetanti Firmiani libris, eadem felicitate germanis
auribus donauit. Tu vero fratri insistens vides bene a-
ctum apud te, dum aliquando rerum humanarum vo-

Io. Sieder

Maximilia-
nus Cæs,

a ij

lubilitatem latinorum scriptorum lectione componis.

Laus histo- Haud ignarus eam eruditionis partem vel præcipue co-
riæ ducere ad vitam cum laude degendam, ut quam recti-

Zeno Citi- sime quondam Zeno Citiensis, Qui felix quis fieri pos-
ensis set rogatus , dixisse fertur ει συγχρετιζοι τοις νεκροῖς,
Si in mortuos intendat,hoc est si maiorum gesta,si ve-

Bias terum monumenta contueatur. Vulgata iam est Biantis
apud Valerium maximum memoria , omnibus ereptis
bonis temporalibus , atq; ijs, quæ tribuit fortuna per
spatium breve possidenda , solum illa manent integra,
quæ Deus acri infudit ingenio,hoc est virtus, humani-
tas,doctrina,quas tibi vsc; adeo familiares ac veluti in-
natas conspicio. Caeterum ijs perpensis cogitaui,quo so-
lum aliqua parte tibi gratificari liceret,cum abs te & plu-
ribus & egregijs beneficijs affectus sim,nec eisdem pos-
sum,vt animus ac voluntas foret, correspondere, arre-
pto ad manus nuper Pontano de immanitate subito in-
cepi exarare in hunc annotatiunculas quasdam,sive (vt

Sig. Grym. alijs) scholia,quæ vbi Sigismundus Grimmius Medicus
eximius,vir item iuxta bonus & literatus, ut eius prelo
excuderentur eruditissimo Stabio nostro amico moni-
tore repetebat,tui illapsa est derepente memoria,Cui fa-
cilem hunc laborem meum dedicarem,vt benevolentia
in te meam cum apud te tum apud omnes bonarum li-
terarum studiosos contestarer, Quorum causam apud
demortuum nuper principem feliciter non raro egisti.
Nec dubito,quin & apud designatum Romanoru Im-
peratorem Regem Catholicum itidem doctos amatu-

Stabius

Carolus. v.
Cæsar.

rus sis, ad quod te iterum iterumq; adhortor. Neq; eīm
vereorne tute ipse libri inscriptione offendare, quasi nō
cunctis humanitas tua spectata existat. Suscipito igitur
Regie Receptor clarissime hunc Pontani de immanita-
te librum, meaq; in eum scholia grato(vt soles omnia)a-
nimo. Dignus enim est lectione, & propter materiam
quae nullis adhuc a latinis scriptoribus attentata est, &
propter Authoris nomen, qui antiquitatem ita æmula-
tus est. vt non æquarit modo, sed prope calculo eruditio-
rum superarit. Bene Vale. Augustæ, Calen, Octob.
Anno restitutæ salutis M.D.XIX.